

որդի քոյ և որդիս որդոց քոց եթէ գուցէ շար-  
 ժելով 'ի միտս իւր 'ի նոյն գործ որպէս դու  
 յառաջնում մի լինիցի նմայ արձակ ընթանալ 'ի  
 գործս անօրէնութեան եթէ ոչ շխթայիւ Օրի-  
 նօք կապեցեալ ցանկութիւն սրտի և արբեցու-  
 թեան նորայ զի նայ կացցէ և մնացէ արժանի  
 'ի պատուոյ իւրոյ որպէս արար նմայ Տէր և ա-  
 րարիչն ամենայն արարածոց զի կարգադրելով  
 վարք կենաց մերոյ և սահմանաւ վարելով զար-  
 գացուցանելով որդոց Հայոց գտցի 'ի մէջ հա-  
 յաստանեաց արք իմաստունք ունենալով ան-  
 խախտելի սահմանս 'ի միջի իւրեանց. յայնժամ  
 կարի ծնանիլ 'ի մէնջ Օր ըստ օրէ արք Շնորհա-  
 լիք և ազատք զի գիտացեն բարին և կամ չար  
 զգոյշանալոյ վասն ազգին և աշխարհին իւ-  
 րեանց (եթէ ոչ առաւելագոյն քան զրացիս իւ-  
 րեանց նա ևս ոչ պակասաւոր.) և ճանաչելով  
 այլ ազգիք ազատութիւն և կարգադրութիւն մեր,  
 խցեն բերանս իւրեանց 'ի ծաղրաբանութենէ  
 վասն մեր և մի գտանիցեն ճանապարհս ուղիղս  
 մուծանել նենգաւոր և վրդովիչք անձինք իւ-  
 րեանց ըստ նմանութեան գայլոյ արաբացւոյ 'ի  
 մէջ անմեղ խաշանց և գառանց Հայոց, որպէս 'ի  
 ժամանակս անցեալ, և այժմոյս որ կարի ասել  
 իմ թէ առաւելագոյն եղև վնասն հայաստանեաց,  
 'ի բերմանէ ուրացողաց յազգէն Հայոց 'ի աւան-  
 դութենէ Հայաստանեաց և մտանողաց 'ի աւան-